

**ՀՀ ՓԱՍՏԱԲԱՆՆԵՐԻ ՊԱԼԱՏԻ ՆԱԽԱԳԱՀԻ ՀԱՅՏԱՐԱՐՈՒԹՅՈՒՆԸ ԿԱՊՎԱԾ ԼՅՈՒՔՍ  
ՍՏԵՓԱՆՅԱՆԻ ՍՊԱՆՈՒԹՅԱՆ ԳՈՐԾՈՎ ԿԱՅԱՑԱԾ ԴԱՏԱԿԱՆ ՆԻՍՏԻ ԸՆԹԱՑՔՈՒՄ ՏԵՂԻ  
ՈՒՆԵՑԱԾ ՄԻՋԱԴԵՊԻ ՀԵՏ**

27.02.2014 16:19



ՀՀ փաստաբանների պալատը հայտնում է իր մտահոգությունը ՀՀ Տավուշի մարզի ընդհանուր իրավասության դատարանում Լյուքս Ստեփանյանի սպանության գործով դատական նիստի ժամանակ տեղի ունեցած միջադեպի կապակցությամբ:

Ցավոք, մեր հասարակության (այդ թվում՝ պետական պաշտոնատար անձանց) մոտ շատ հաճախ, փաստաբանը նույնացվում է իր վստահորդի հետ, իսկ վերջինիս գործունեությունը բնութագրվում է, որպես՝ արդարադատությանը խոչընդոտող:

Իրականությունը սակայն այլ է. քրեական գործերով փաստաբանը, իր մասնագիտական գործունեությամբ, ընդդիմանալով իշխանություն կիրառելու լայն հնարավորությամբ օժտված մեղադրանքի կողմին, պայմաններ է ստեղծում դատարանի կողմից արդարադատություն իրականացնելու համար: Մեղադրյալի պաշտպանությունը պատշաճ ապահովելով, դատարանը հնարավորություն է ունենում օբյեկտիվորեն գնահատելու մեղադրյալի արարքը և պատասխանատվության ենթարկելու ժամանակ առավելագույնս բացառելու դատական սխալը, որը կարող է մարդկանց ճակատագրերի վրա ազդել:

Բնական է, որ մեղադրանքի կողմին (այդ թվում՝ տուժողին) հաճելի չի լինի մեղադրյալի օգտին փաստաբանի կողմից իրականացվող գործողությունները, և հակառակը՝ մեղադրյալին հաճելի չի լինի մեղադրանքի կողմի (այդ թվում՝ տուժողի) ի վնաս իրեն կատարվող գործողությունները, սակայն դրանում է կայանում մրցակցային դատավարությունը:

Պետք չէ մոռանալ Մատաղիսի գործը, որով մի քանի երիտասարդներ ցմահ ազատազրկման էին դատապարտվել, կամ Արմեն Պողոսյանի գործը, որով նա 15 տարվա ազատազրկման էր դատապարտվել (5 և կես տարի էլ պատիժը կրել էր), և այս գործերով մեղադրանքի կողմի ներկայացուցիչները և դատարանները սխալվել էին:

Այս օրինակները ցույց են տալիս, որ համակարգը կարող է սխալվել (սխալվում են նաև զարգացած երկրների համակարգերը), հետևաբար չի կարելի պաշտպանության կողմի դերակատարումը նսեմացնել: Համոզված եմ, որ ցանկացած տուժողի համար կարևոր է, որ պատասխանատվություն կրի

հենց մեղավոր անձը և ոչ թե այլ անձ, իսկ սրան հասնելու համար պետք է հարգել մրցակցության սկզբունքը:

ՀՀ փաստաբանների պալատը դատապարտում է Լյուքս Ստեփանյանի սպանության գործով դատական նիստի ժամանակ ներկա գտնվող անձանց կողմից երեմ Սարգսյանին և Վաղինակ Գևորգյանին վիրավորելու վարքագիծը:

ՀՀ փաստաբանների պալատը մտահոգություն է հայտնում առ այն, որ ՀՀ Տավուշի մարզի ընդհանուր իրավասության դատարանը դատավարության պատշաճ պայմաններ և դատավարության մասնակիցների անվտանգությունը չի ապահովում:


Միաժամանակ հասկանալով որդեկրոյս ծնողների վիշտը ՀՀ փաստաբանների պալատը հայտնում է իր զորակցությունը և խնդրում ու կոչ է անում կողմերին տուրք չտալ հույզերին և զգացմունքայնությանը:

Հարկ է հիշեցնել, որ Լյուքս Ստեփանյանի իրավահաջորդին անվճար հիմունքներով փաստաբան է տրամադրել ՀՀ փաստաբանների պալատը:


ՀՀ փաստաբանների պալատի նախագահ՝

Արա Զոհրաբյան


## Առաջարկվող նորություններ




**20.09.2013** ՀՀ ՍԴ ՆԱԽԱԳԱՀ ԳԱԳԻԿ  
ՀԱՐՈՒԹՅՈՒՆՅԱՆԸ  
ՇՆՈՐՀԱՎՈՐԵԼ Է ՀՀ ՓՊ  
ՆԱԽԱԳԱՀ ԱՐԱ  
ԶՈՀՐԱԲՅԱՆԻՆ



**25.10.2013** ՌՈՒՍԱՍՏԱՆԻ  
ՓԱՍՏԱԲԱՆՆԵՐԻ  
ԳԻԼԴԻԱՅԻ ՆԱԽԱԳԱՀԻ  
ԳՐՈՒԹՅՈՒՆԸ՝ ՀՀ  
ՓԱՍՏԱԲԱՆՆԵՐԻ ՊԱԼԱՏԻ  
ՆԱԽԱԳԱՀԻՆ



**11.11.2013** ԱՄՓՈՓՎԵԼ Է ԱՐԱ  
ԶՈՀՐԱԲՅԱՆԻ ԼԵՌՆԱՅԻՆ  
ՂԱՐԱԲԱՂ ԿԱՏԱՐԱԾ  
ԱՅՑԵԼՈՒԹՅՈՒՆԸ



**18.11.2013**ԱՐԱ  
ԶՈՂՐԱԲՅԱՆԻ  
ԳԼԽԱՎՈՐԱԾ  
ՊԱՏՎԻՐԱԿՈՒԹՅՈՒՆԸ  
ԿՄԵԿՆԻ ՖՐԱՆՍԻԱ

```
Վերադառնալ $(window).load(function(){ if(typeof $(".fb_comments_count").html() != "undefined" && parseInt($(".fb_comments_count").html()) != 0){ updateCommentsCount(window.location.href); } })
```